

Na osnovu člana 17. stav (1), 18. i 21. stav 1, pod c) i d) i člana 28. Zakona o javnim nabavkama („Službeni glasnik BiH”, broj: 39/14), a postupajući po Zahtjevu za pokretanje pregovaračkog postupka za nabavku lijeka INN sevelamer, dostavljenom od strane Službe za medicinsko-farmaceutske poslove, dana 03.11.2015.godine, direktor Zavoda zdravstvenog osiguranja i reosiguranja Bosne i Hercegovine, kao ugovornog organa, donosi

## **O d l u k u**

### **o pokretanju postupka javne nabavke lijeka INN sevelamer**

#### **I**

Ovom odlukom odobrava se pokretanje postupka javne nabavke lijeka INN sevelamer, putem pregovaračkog postupka, bez objavljivanja obavještenja o nabavci.

Procijenjena vrijednost javne nabavke, bez PDV-a iznosi 465.534,00 KM.

Za provođenje javne nabavke lijeka INN sevelamer, putem pregovaračkog postupka, bez objavljivanja obavještenja o nabavci, osigurana su sredstva iz ukupnog prihoda Zavoda zdravstvenog osiguranja i reosiguranja Bosne i Hercegovine.

Zakonski osnov kao u preambuli ove Odluke. Javna nabavka će se provesti u skladu sa odredbama Zakona o javnim nabavkama, kao i drugim podzakonskim propisima i internim aktima Ugovornog organa.

#### **II**

Ova Odluka stupa na snagu danom donošenja.

## **O B R A Z L O Ž E N J E**

Postupajući po Zahtjevu za pokretanje pregovaračkog postupka za nabavku lijeka INN sevelamer, dostavljenom od strane Službe za medicinsko-farmaceutske poslove, dana 03.11.2015.godine, utvrđeno je da je Odlukom o listi lijekova Fonda solidarnosti Federacije BiH, (Sl.novine broj 89., od 13.11.2013.godine), lijek INN sevelamer, tablete 800 mg, 180 filmom obloženih tableta u kutiji, namijenjen za primjenu kod kontrole hiperfosfatemije kod bolesnika na hemodijalizi i peritonealnoj dijalizi, uvršten u Listu lijekova u bolničkoj zdravstvenoj zaštiti koji se mogu koristiti na teret sredstava fonda solidarnosti Federacije BIH kao prilog 2. Poseban program. U cilju unapređenja zdravstvene zaštite dijaliziranih pacijenata, odnosno prevencije kardiovaskularnih oboljenja kod pacijenata na hemodijalizi, a budući da je urađen i doktrinarni pristup u liječenju lijekom INN sevelamer i da je ostvareno određeno smanjenje potrošnje u segmentu lijekova u tretmanu dijaliza, odlučeno je da se pokrene pregovarački postupak, bez objavljivanja obavještenja o nabavci, za nabavku lijeka INN sevelamer.

Količine lijeka INN sevelamer, koje su predviđene za nabavku putem pregovaračkog postupka, bez objave obavještenja o nabavci, odgovaraju potrebama pacijenata za period od jedne godine.

Članom 21. stav 1 pod d), Zakona o javnim nabavkama propisano je da Ugovorni organi izuzetno mogu ugovore dodjeljivati putem pregovaračkog postupka, bez objavljivanja obavještenja o nabavci, kada se izuzetno, zbog dokazivih razloga krajnje hitnosti, pruzrokovane događajima nepredvidivim za ugovorni organ, ne mogu ispoštovati ovim zakonom utvrđeni minimalni rokovi za otvoreni, ograničeni ili pregovarački postupak s objavom obavještenja.

Kako iz navedenog proizilazi da su razlozi krajnje hitnosti nabavke lijeka INN sevelamer, dokazivi (objektivni), da su izazvani događajima koji se nisu mogli predvidjeti od strane Ugovornog organa i da potiču od vanjskih uzroka koji se ne mogu dovesti u vezu sa ugovornim organom odlučeno je kao u tački I ovog akta.

Prilog:

- Zahtjev za pokretanje pregovaračkog postupka za nabavku lijeka INN sevelamer.

Broj: 01/I-11-3-2853-2/15  
Sarajevo, 06.11.2015.godine



DOSTAVLJENO:

- Službi za informacione tehnologije
- u dokumentaciju predmetne javne nabavke